

2020

**AÑA DI
ENSEÑANZA Y
INNOVACION**

Diaranson 3 Juni 2020

ISLA(•)ONLINE

Email: IslaOnline@gobierno.aw Tel: 528-4900

JUNI 2020



GOBIERNO DI ARUBA

**UN ARUBA UNI,
TA UN
ARUBA CU TA PROGRESA!**

Isla Online
Noticia Di Gobierno



MINISTER EVELYN WEVER-CROES

PROME MINISTER DI ARUBA



PROME MINISTER A DUNA SPPLICACION AMPLIO DEN PARLAMENTO TOCANTE E MANEHO DI GOBIERNO DEN E CRISIS COVID-19:

Diaranson mainta Prome Minister Evelyn Wever-Croes y Minister di Cultura, Finansa y Asunto Economico tawata den Parlamento pa duna splicacion tocante e maneho di Gobierno den e crisis COVID-19.

Prome Minister a habri su discurso splicando e trayectoria di Covid-19 desde 13 di maart dia cu Aruba a conoce su prome caso di COVID-19 pa actual. Gobierno di Aruba inmediatamente a tuma e decision di bin cu medidanan drastico pa asina evita e virus aki di sigui plama. Den e prome 3 simannan tawatin un crecimiento rapido di 0-71 caso positivo. Danki na e decisionnan tuma a logra di frena e crecimiento aki y despues di e 3 simannan e curva a cuminsa baha ya cu tawatin menos caso y mas hende a cuminsa recupera. Finalmente dia 28 di mei, e ultimo persona cu tawata tin COVID-19 a test negativo treciendo asina e total di caso positivo na 0. Gobierno ta consciente cu Aruba lo por conoce casonan nobo y ta prepara pa por atende cu e casonan aki si nan presenta.

Prome Minister Evelyn Wever-Croes: "Un elogio sigur ta bay na e team di calamidad pa nan profesionalismo pa cu maneho di e crisis aki. Aruba tawata prepara adelanta y a tuma e decision cu en caso e virus aki yega lo cuminsa cu e strategia di test agresivo; "search and destroy" manera e terminologia uza ta. E strategia aki a exigi no solamente planificacion sino tambe fondo ya cu mester tawata tin e testnan aki adelanta pa por cumpli cu e esaki debidamente. Compara cu e otro paisnan, awe Aruba ta un di e paisnan cu e testamento per capita di mas halto.

Aruba como un pais propio tawata tin e ventaha di bin cu su mesun strategia y no manera e islanan BES cu ta un municipio di Hulanda cu mester a sigui e mesun strategia cu Hulanda. Nan no tawata tin e strategia di test agresivamente cu ta esun cu a yuda Aruba hopi den combati e plamamento di e virus na un manera satisfactorio.

Danki tambe na e situacion financiero cu Gabinete Wever-Croes a sa di maneha na un manera responsabel e ultimo dos



añanan aki, cu awe tawata tin fondo disponibel pa por a busca tur e testnan prome cu e crisis a alcansa nos isla.

E crisis di COVID-19 no tawata solamente un crisis di salud sino e tawata crisis den crisis. E tawata un crisis di salud cu a ser maneha debidamente, un crisis financiero na unda Aruba a perde su entradan principal, un crisis economico ya cu nos pilar economico a cay y crisis den orden publico y social. Tambe Gobierno a hañe den manifestacionnan na unda a sali duna cara pa splica e situacion cu Aruba ta den den tur transparencia.

Esaki ta prome biahia den historia cu Aruba a enfrenta un crisis di e magnitud aki pero mescos cu tur otro crisis semper a sa di lanta cabes. Nos Arubianonan ta hendenan sin miedo y a enfrenta e crisis aki cu determinacion y curashi cu inspiracion di esnan prome cu nos cu a sa di engrandece e pais aki sin miedo.

Gobierno di Aruba a ricibi hopi elogio no solamente localmente sino tambe internacionalmente pa e manera con a maneha e crisis den crisis aki y esaki no por a wordo logra sin e cooperacion di e comunidad di Aruba cu a sa di sigui e reglanan cu disciplina manera stipula pa Gobierno. Ta danki na tur e esfuerzo di no solamente Gobierno di Aruba sino tambe di e profesionalnan y di nos comunidad cu awe Aruba tin e virus aki domina".



**Nos lo lanta bek
despues di e crisis aki,
cu curashi y sin miedo.
Mescos cu nos
antepasadonan
a construi e pais aki,
cu curashi y sin miedo.**

Prome Minister

Evelyn Wever-Croes




GOUVERNO DI ARUBA



GABINETE WEVER-CROES

COMMISSIE HERSTEL EN INNOVATIE ARUBA



MIEMBRO DI COMISION EUROPEO TA CONFIRMA E APORTE FINANCIERO DI UNION EUROPEO (EU) PA ARUBA RELACIONA CU E CRISIS DI COVID-19

E siman aki Gobierno di Aruba a recibi un carta (copia adhunto) di Sra. Jutta Urpilainen – Miembro di Comision Europeo directamente encarga cu e relacionnan entre EU y e 25 paisnan miembro di OCTA- Association of Overseas Countries and Territories of the European Union.

Dia 24 di april 2020 Gobierno di Aruba a dirigi un carta pa Commissioner Urpilainen caminda cu Promer Minister di Aruba ta enfatisa e impacto severo di e COVID-19 crisis riba e economia di Aruba y e pasonan urgente cu Gobierno a tuma pa mitiga e efectonan di e crisis. Tambe Premier Wever-Croes a elabora riba e pasonan pro-activo pa baha gastonan operacional di Gobierno di Aruba pa por apela tambe na Hulanda como e “member state” corespondiente di EU pa aporte financiero.

E carta di Comision Europeo ta confirma cu embista di e emergencia relaciona cu e COVID-19 crisis EU a adopta “exceptional flexibility rules” pa asina Aruba por yega na aporte financiero di un manera lihe, adapta y practico.

Por ultimo Premier Wever-Croes a expresa e aporte di parti di Aruba pa cu e resolucion di Parlamentario Europeo, Srita. Samira Rafaela, kende a apela na EU pa crea un “dedicated exceptional support fund” pa e paisnan miembro di OCTA. Pa esaki Comision Europeo ta evaluando e posibilidadnan segun e structura financiero di EU.

Den corto, den margen di e structura financiero vigente cu ta termina fin di aña 2020 Aruba lo ricibi apoyo financiero for di diferente programanan existente, inluyendo parti di e suma di € 10 miyon cu lo wordo reparti entre diferente paisnan miembro di OCTA.

Sr. Eddy Paris como representante di Aruba na EU y Vice-Voorzitter di OCTA ta coordinando e esfuersonan aki na Brussels y cu DEACI (Department of Economic Affairs, Commerce and Industry) na Aruba pa asina e fondonan aki por yega directamente na diferente NGOs na Aruba.





Jutta Urpilainen
Member of the European Commission

Rue de la Loi, 200
B-1049 Brussels
cab-urpilainen-contact@ec.europa.eu

Brussels, 28.5.2020
Ares(2020)s 2663909

Excellency,

I would like to thank you for your letter in reference highlighting the dire impacts of the COVID-19 pandemic in your country and the measures taken in Aruba to mitigate their effects.

I can assure you that we are conscious of Aruba's vulnerability to the outbreak in terms of health and socio-economic impact, in particular due to a dramatic drop in the tourism economic sector.

In this exceptional situation that we are all facing, the European Commission is taking all possible measures to have a coordinated and efficient response, in the EU and worldwide, including in the Overseas Countries and Territories (OCTs).

The European Commission and the EU High Representative recently issued a Joint Communication on the Global EU response to COVID-19. Concretely, the EU has secured a financial package for the benefit of our partner countries, including EUR 111 million for the OCTs. Considering the end of our current multiannual financial framework, this package is based on existing resources, which are retargeted to help our partners coping with the impact of the pandemic. This includes reorientation of on-going bilateral and regional cooperation programmes, when relevant, the frontloading and top-up of budget support payments, and the mobilisation of the emergency reserve as foreseen in the association decision, which is under internal assessment. Exceptional flexibility rules have been granted in this context. This will allow EU action to be fast, adapted and operational.

In this context, I am pleased to inform you that the regional programme for the Caribbean OCTs, the so-called ReSEMBID programme, has already been adapted to offer a EUR 10 million facility to support the Caribbean OCTs, including Aruba, in the fight of the COVID-19 pandemic. I encourage you to take contacts with our services in the EU Delegation in Guyana for further details on it. For your information, the retargeting of part of the OCT Thematic programme is also under discussion.

In addition, I am pleased that Aruba already received the medical equipment requested by the Netherlands on behalf of Dutch OCTs through the European Union Civil Protection Mechanism, which allows co-financing of the transportation by the European Commission.

H.E. Mrs Evelyn Wever Croes
Prime Minister
ARUBA

Finally, you referred to the recent European Parliament resolution of 17 April 2020, calling on the Commission and the Member States to prioritise aid and crisis-mitigation measures for the most vulnerable citizens, including the Overseas Countries and Territories, by means of a dedicated exceptional support fund. I assure you that the Commission is assessing this political resolution through the relevant institutional framework and you will be kept informed of any relevant developments in this regard.

Yours sincerely,

A handwritten signature in blue ink that reads "Jutta Urpilainen".



MINISTER MARISOL LOPEZ-TROMP

MINISTER di Desaroyo Teritorial, Infrastructura y Medio Ambiente



MinROIM Marisol Lopez - Tromp: DI 8000 CAMBER A LOGRA BAHÁ E CANTIDAD TE 2000 CAMBER, CUMPLIENDO ASINA CU ROP

Diamars mainta Minister di Desaroyo Teritorial, Infrastructura y Medio Ambiente Marisol Lopez - Tromp conhumente cu directornan di departamentonan DIP, DOW y DNM a tene un rueda di prensa na Eagle Beach. Den e rueda di prensa aki a elabora riba e tema di 'Balansa entre desaroyo y medio ambiente'.

Minister Lopez - Tromp a splica cu a pesar cu tabatin e periodo di 'shelter in place' e team cu ta resorta bou di su Ministerio tabata hopi activo atendiendo cu 'fast-tracking' di proyecto. Den e reunionnan aki a trata proyectoran pendiente y nobo. Pa loke ta proyectoran pendiente, a evalua esakinan pa determina si den e criterianan ta tene cuenta cu stimulacion di Aruba su economia. Un reto cu a tuma nota di dje ora cu ta aproba un proyecto ta, pa tene cuenta cu stimulacion di economia y pa cuido di naturalesa y medio ambiente.

Na e momentonan aki cu hotelnan ta bashi y tin inseuridad di ki tempo nan lo por yena bek, ta un momento pa para keto y realisa cu no por continua cu desaroyo manera cu Aruba semper a conoce. Un desaroyo caminda cu no a tene cuenta cu cuido di nos naturalesa y medio ambiente. Ora cu Gobierno a actual a sinta na 2017, a hereda permiso di 8000 camber cu a wordo otorga den gobernacion anterior. Pues desde e tempo ey a inicia cu esfuersonan pa reduci e cantidad aki. Pues a base di reunionnan, rapportnan existente, Plan di Desaroyo Teritorial / Plan di Desaroyo Teritorial cu reglamentacion "Ruimtelijk Ontwikkelingsplan (ROP) / Ruimtelijk Ontwikkelingsplan met voorschriften (ROPv) y condicionnan pa por construi awenda, a tuma e decision pa restringi cierto acomodacionnan cu lo pone un impacto no desea na e momentonan aki den cierto areanan di nos Pais, Minister Lopez - Tromp a anuncia.

Director DIP Haime Croes

Desde 1986 bin te cu aworaki, Aruba a conoce cu acomodacion ta e base di nos economia, lagando otro aspectonan manera naturalesa atras. Den e ROP/ ROPv a stipula restriccion na



e cantidad di acomodacionnan cu por bin pa e proximo cinco añanan. E decision aki a wordo tuma a base di cifranan cu ta indica e situacion cu Aruba ta aden actualmente teniendo na cuenta e futuro di nos Pais. Ta importante pa remarca cu e proceso pa yega na restriccion di camber caminda cu ta reduci e cantidad te na 2000 ta encera proyectoran cu ya caba tabata pendiente y ta net e limite cu por a yega na dje considerando cu tabatin permiso pa 8000 camber. Pues a mitiga locual cu por mitiga y tambe guia e proceso den direccion cu kier pa Aruba su desaroyo bay, Haime Croes a enfatiza. E cantidad di 2000 camber ta inclui e desaroyo na San Nicolas tambe y otro acomodacionnan rond di nos isla cu ya tin permiso. Pues no ta trata di otorgamento di permiso nobo.

Continuacion Pagina 6**Director DNM Gisbert Boekhoudt**

Sr. Boekhoudt a splica cu Covid a siña hopi cos y awo nos ta bay den e rumbo pa desaroya Aruba atrobe, uzando naturalesa como e fundeshi pa desaroyo. Pa realisa esaki tin algun punto/pregunta importante cu ta tene cuenta cu ne ta: Cuanto Aruba por carga? Pa ken nos ta desaroya? Kico nos ta bay desaroya?. Pesey e harmonisacion entre DIP, DOW y DNM cual tin aworaki ta sumamente importante pa percura pa mihor destinacion di tereno cu ta tuma luga den cuadro di ROP/ ROPv.

**Director DOW Marlon Croes**

Den margen di ROP/ROPV, DOW ta percura pa limpiesa semanal di e strip di Eagle Beach, pa cuida esaki y preserva e area mas cu ta posibel. Banda di esaki a stop actividadnan grandi tambe di ta tuma luga riba e beach y a move esakinan pa e beach cu a crea na Bushiri. Pa hopi año caba DOW ta pone baricadanan disponibel pa TurtugAruba cu ta percura pa un proceso mas sigur pa turtuganan por pone webo. Pues DOW, DIP y DNM trahando hunto scuchando di NGO's ta trata mas cu ta posibel pa crea un mihor infrastructura caminda cu ta proteha nos naturalesa y medio ambiente, sr. Marlon Croes a splica.

**Conclusion**

Ta importante pa tene na cuenta cu den e proceso di ROP/ROPV, stakeholders, gruponan den comunidad y ciudadanonan cu a participa, ta sinti cu Aruba mester para keto y mira cuia proyecto en berdad nos kier pa nos Pais.

Pa conclui, Minister Lopez - Tromp a pone enfasis cu no ta bay crece mas 'unda cu ta y con cu ta', mester tene cuenta cu reglanan, leynan y zonificacion di nos Pais.





MINISTER XIOMARA MADURO

MINISTER di Finansa, Asuntonan Economico y Cultura



Minister Xiomara Maduro:

GOBIERNO A TRAHA PA BRINDA ALIVIO PA SURPASA E CRISIS DI COVID-19

Pa surpasa e crisis di COVID-19 Gobierno di Aruba a traha riba varios forma di sosten financiero pa por brinda alivio na tur esnan cu a perde trabou desde 13 di maart 2020 y tambe un yudansa financiero na e empresarionan chikito y mediano cu a sufri perdida di entrada door di e crisis di COVID-19. Gobierno a introduci Plan di Alivio Fiscal, Fondo di Asistencia Social di Emergencia (F.A.S.E.), Sosten Financiero pa kwartaal, Subsidio di Salario pa negoshinan chikito y mediano, y un microcredito cu condicionnan atractivo via Qredits. Durante un reunion publico den Parlamento, Minister Xiomara Maduro a brinda un update di e alivio cu Gobierno a brinda na pueblo di Aruba.

PLAN DI ALIVIO FISCAL

Minister Maduro ta informa cu 507 compania a haci uso di e facilidad pa paga e impuestonan di tur luna di april, mei y juni 2020 y 325 compania a haci uso di e descuento di pago di AOV/AWW den luna di april, mei y juni 2020.

FASE

FASE a brinda un ayudo financiero di Afl. 950 na un cantidad di 8.782 persona cu a perde trabou desde 13 di maart 2020.

SOSTEN FINANCIERO PA KWARTAAL

Gobierno a brinda na 3.084 negoshi chikito y mediano un sosten financiero di Afl. 4000 pa asina nan por cubri nan gastonan mensual durante 3 luna.

SUBSIDIO DI SALARIO

Un total di 1.647 compania a ricibi un di maximo 60% di gasto di salario pa por a paga un total di 27.180 trahado y asina por mantene nan den servicio.



MICROCREDITO VIA QREDITS

Gobierno a duna un aporte di 250.000 florin na e compania di microcredito Qredits pa asina e compania por brinda un fiansa cu condicionnan atractivo na negoshinan chikito y mediano. Qredits a ricibi un total di 175 peticon di empresarionan cu a aplica pa e fiansa special aki.

GRADICIMENTO

Minister Maduro ta gradici e miembranan di Parlamento pa e apoderacion pa asina por busca e fondonan necesario pa por brinda alivio na Pueblo di Aruba. Tambe e dignatario ta gradici Reino Hulandes pa e fiansanan duna. E mandatario ta gradici tur e profesionalnan cu a traha inalcansablemente durante henter e temporada di COVID19 riba e programanan di Plan di Alivio Fiscal, FASE, Sosten Financiero pa kwartaal, Subsidio di salario. E dignatario ta brinda un gradicimento tambe na e ehecutivonan di Qredits pa e yudansa ofreci na e companianan chikito y mediano.

UPDATE SOSTEN FINANCERIO



ALIVIO FISCAL

#507
compania a haci uso di e facilidad pa paga e impuestonan di tur luna di april, mei y juni 2020.
#325
compania a haci uso di e descuento di pago di AOV/AWW den luna di april, mei y juni 2020.

FASE

#8782
persona a recibi e yudansa di 950,- florin.

SOSTEN FINANCERIO PA KWARTAAL

#3084
compania chikito y mediano a recibi e sosten financiero di 4000,- florin pa kwartaal.

SUBSIDIO DI SALARIO

#1647
compania a recibi un maximo di 60% di gasto di salario pa paga 27180 trahador y tene nan na trabou.

QREDITS

#175
compania a haci uso di e fiansa special cu e compania Microcredito Qredits ta brinda cu aporte di 250.000 florin di Ministerio di Finansa, Economia y Cultura.

UPDATE
SOSTEN FINANCERIO



XIOMARA MADURO
MINISTER DI FINANSA, ASUNTONAN ECONOMICO Y CULTURA

NOS MESTER USA NOS TINO Y CURASON
PA TUMA DECISION PA SURPASA E CRISIS

“

Covid19 ta afecta
humanidad pero
Covid-19 no
por kita nos
humanidad
for di nos”

Xiomara Maduro





Uni Nosta Vence!

Forum Aruba: Reapertura di Turismo

Telelaruba Canal 23, 13 y Facebook live di Telelaruba

**Diahuebs, 4 di juni
Ora: 8:30 PM - 9:30 PM**

Pa manda pregunta:

forum@telearuba.aw y WhatsApp: 597 1323

Ministerio di Turismo



ATA - AHATA - AAA - DVG




www.arubacovid19.org





CASONAN 13 MAART - 3 JUNI 2020 !



HUNTO NOS A LOGRA!

COVID-19 EXIT

COVID-19 CORONAVIRUS

UPDATE

DIARANSON 3 -6-2020

CASONAN CORONA VIRUS ARUBA



GOBIERNO DI ARUBA

Positivo	Recupera	Negativo	Cuarentena	Pendiente
101	98	2037	159	0
Activo		Morto	Getest	
0		3	2138	

HUNTO NOS A LOGRA DANKI ARUBA!



TRABOUNAN DI PLATAFORMA NACIONAL PA REFORMANAN DI SECTOR PUBLICO Y RECUPERACION Y INNOVACION DI ARUBA SU ECONOMIA

Aruba, mescos cu mundo henter, ta den un situacion di crisis debi na e pandemia di Covid-19 (conoci tambe como coronavirus). E pandemia aki a afecta economia rond di mundo severamente. E consecuencianan economico pa Aruba ta enorme y for di inicio ta visibel den nos sociedad.

Aruba su 'small island economy' ta depende riba turismo internacional, di cual mas o menos 80% ta procedente di Merca cu ta un pais cu actualmente tambe ta wordo gravemente afecta pa e pandemia di Covid-19.

Despues di atende mesora cu e aspectonan di salubridad y ayudo humanitario pa e ciudadanonan, e enfoke awo ta pa atende cu e aspectonan economico cu e crisis aki a trece cu ne.

E medidanan di 'lock-down' combina cu e hecho cu no tin turista na Aruba, pa gran parti a para nos economia. E efectonan aki lo wordo mira y sinti pa un termino largo, y e recuperacion eventual lo tuma tempo y tambe un manera nobo di pensa.

Pa Aruba, e motto/lema 'business as usual' ya no ta aplicabel, of no ta existi mas. Nos mester reevalua nos strategia y e decisionnan cu nos tuma di awo padilanti mester contribui pa Aruba bira un isla mas stabiel (resiliente).

Un iniciativa coordina na nivel nacional pa Recuperacion Economico y Innovacion

Pa cu esaki, Gobierno di Aruba a cuminsa cu un iniciativa coordina na nivel nacional pa desaroya un plan di accion pa recuperacion economico y innovacion. E plan aki tin como meta crecimiento economico den un

forma: innovativo, inclusivo, y sostenibel, incluyendo e condicionnan necesario pa un economia stabiel (resiliente) den termino largo, mientras den e trayecto aki lo tin cu cuminsa mira beneficionan den termino corto y medio. Esaki cu un sosten nacional mas amplio posibel.

Den cuadro di esaki, Conseho di Minister a institui e 'Recovery and Innovation Committee' manera cu Prome Minister a anuncia den e luna di April. E comision aki tin como tarea pa desaroya:

- e vision di un economia transforma;
- reformanan structural como condicion pa: recuperacion, stabilitad, y crecimiento economico sostenibel;
- identifica sectorinan strategico (nobo) cu ta trece un balor agrega na nos economia;
- un maneho pa guia decisionnan riba inversionnan grandi den sector priva y publico

E comision di 'Recovery and Innovation' ta un plataforma 'public-private' unico, cu den su totalidad, na tur nivel, ta consisti

di representantenan di sectorinan: Priva, Publico, Academic, y Civico. Mas cu 100 ciudadano ta participando den esaki (riba titulo personal), a base di nan background profesional. Mayoria no ta representa nan respectivo organpcionnan den esaki.

E tareanan di e comision 'Recovery and Innovation' ta dividi den tres (3) sub-committee, 'Stabilization & Stimulus', 'Fast-Track & Reactivation' y 'Innovation & Resilience'. Den termino corto, conseho y decisionnan proponi pa 'Stabilization & Stimulus' a wordo entrega na Gobierno, y mayoria ta den pleno eheucion. Dunando asina un 'boost' sumamente necesario pa reactiva nos economia cu sosten financiero, humanitario, y medico, cu ayudo di Hulanda, pa asina alivia e consecuencianan. E trabounan di 'Fast-Track & Reactivation' ta andando y pronto lo entrega nan conseho na Gobierno tocante proyectoran di inversion cu posiblemente lo por pasa den un trayecto mas agilisa si nan cumpli cu cierto rekisitonan pa yuda re-activa nos economia.

 Weather the Crisis <p>Take sustainable emergency provisions to mitigate economic, financial, and social effects on the society. Restart society and economy according to new norms and values.</p>	 Become more Resilient <p>Structural reform (administrative, financial, institutional), as a pre condition for stability and further growth. Safeguard the foreign exchange stock and explore new economic sectors.</p>	 Sustainable Growth <p>Start conversion to circular economy. Further sustainability in the society and economy. Driving new economic sectors.</p>
--	--	--


Continuacion Trabounan di Plataforma Nacional

Den cuadro di e 'restart' aki, tambe Gobierno di Aruba a anuncia e plan di estimulo economico. Departamento di Impuesto (DIMP) den luna di maart anuncia e plan di emergencia pa ayudo fiscal pa stimula nos economia y ofrece alivio. Companianan chikito y mediano (MKB), fundacionnan, y mas cu 35.000 persona y 3.000 compania afecta a recibi ayudo financiero den forma di entre otro FASE (8.000+ persona), 'MKB Noodregeling' (3.000+ compania MKB) y e 'Loonsubsidie' (27.000+ persona).

E trabounan ainda ta andando. E vision pa Aruba sali mas fuerto di e crisis aki y nos economia mester bira uno stabiel (resiliente) y sostenibel por medio di: reformanan structural di sector publico, diversificacion economico, y reenforsando nos economia interno aplicando un modelo di economia circular (of doughnut economy).

E tareanan specifico den cuadro di e sub-committee 'Innovation & Resilience', a inicia formalmente na comienso di mei cu mas di 100 participante den 17 Task Forces. E commission tin sosten di un Project Management Team di mas cu 10 persona entre otro di sector priva y academico cu ta ofreciendo nan tempo y ta participando den un forma voluntario. Hunto tur e participantenan ta encarga cu e tarea pa entrega consehonan, recomendacionnan, pa cu e reformanan cu ta necesario y e direccion nobo di Aruba su economia. Esaki den un Master Plan pa Aruba cu ta tene cuenta cu trabounan anteriormente completa den consulta cu stakeholders, entre otro e National Strategic Plan 2020 – 2022 pa acelera e implementacion di e Sustainable Development Goals (SDGs) di Nacionnan Uni (NSP), ROP, y varios conseho cu gobierno a recibi di diferente instancianan, gremionan y NGOs.

E manera di traha ta basa riba un mission-driven approach cu ta stimula colaboracion y un proposito comun. E metanan principal pa cada area economico a wordo stipula, sigui pa un analisis concreto di e root problems cu



lo por stroba nos di yega na e metanan aki si e problema no wordo resoli, y consehonan y solucionnan cu por tin e impacto positivo mas grandi lo wordo proponi. Esaki mas cu claro den e direccion di un economia y sociedad cu Aruba ta desea di bira. E strategia y manera di traha aki no ta business as usual, y ta rekeri e actornan pa pensa outside the box ora di defini e meta y problema-/retonan, y tambe ora di pensa riba solucionnan mientras cu ta revisa y usa rapport, conseho y ideanan existente (pa no 're-invent the wheel').

E plan y strategia aki ta un manera pa - como nacion – transforma nos economia, y como comercio y ciudadano, sobrevivi y crece.

E diferente Task Force nan aki actualmente ta na e na mita di e proceso, y ta premira cu e rapport y plan final lo wordo entrega na Gobierno di Aruba na comienso di juli.

Por medio di e comunicado aki nos ta anunci y alabes informa un y tur cu ta desea di contribui na e Master Plan pa Aruba su recuperacion y futuro, cu lo organisa dos (2) 'Town Hall' den un forma digital pa por brinda mas informacion di e proceso, e resultado preliminar y colecta comentario y informacion (feedback)

na un forma habri y transparente. Mas informacion tocante e Digital Town Halls y con por registra lo wordo publica durante e siman venidero riba e pagina Facebook di Gabinete Wever-Croes.

Digital Town Halls di Aruba:

- **Prome Town Hall: 9 di juni 2020, 8:00 PM**
- **Segundo Town Hall: 10 di juni 2020, 8:00 PM**

Gobierno di Aruba kier a gradici tur participantane pa nan contribucion di un forma of otro na e proceso aki. Nos ta aprecia y ta balora boso tempo, esfuerzo, aportacion y ta sumamente agradecido pa boso dedicacion den e momentonan aki unda cu como pais nos ta enfrentando retonan nunca bisto. Un danki di curason!





GOBIERNO DI ARUBA

an
Feliz Dia

ISLAONLINE
PA INFORMACION
CORECTO Y BERDAD

Gabinete Wever-Croes